



Visoka škola za turizam i menadžment  
Varda 1, Društveni dom  
88 400 Konje, Bosna i Hercegovina  
Tel.: +387 36 727 330  
Fax: +387 36 727 330  
info@vsttm-konje.ba  
www.vsttm-konje.ba

---

**PROCEDURA ZA IZMJENU I DOPUNU STUDIJSKOG  
PROGRAMA  
VISOKE ŠKOLE ZA TURIZAM I MENADŽMENT KONJIC**

**Konje, februar 2014.**

Na osnovu člana 54. Zakona o visokom obrazovanju Hercegovačko-neretvanske županije i članka 45. Statuta „Visoke škole za turizam i menadžment Konjic“ u Konjicu, Senat „Visoke škole za turizam i menadžment Konjic“ u Konjicu je na sjednici održanoj dana 04.10.2014. godine donio je

## **PROCEDURU ZA IZMJENU I DOPUNU STUDIJSKOG PROGRAMA**

### **DIO I – UVOD**

Procedurom za izmjenu i dopunu studijskog programa na „Visokoj školi za turizam i menadžment Konjic“ u Konjicu (u daljem tekstu Procedura) poblize se uređuje sistem odgovornosti prilikom izmjene i dopune studijskog programa na „Visokoj školi za turizam i menadžment Konjic“ u Konjicu (u daljem tekstu Visoka škola).

Procedura obuhvata:

- manje izmjene i dopune postojećeg studijskog programa i postupak manjih izmjena i dopuna (do 20%),
- veće izmjene i dopune postojećeg studijskog programa i postupak većih izmjena i dopuna (promjene studijskog programa veće od 20%, i manje od 40%), i
- suštinske izmjene i dopune postojećeg studijskog programa (promjene studijskog programa veće od 40%).

### **DIO II – MANJE IZMJENE I DOPUNE POSTOJEĆEG STUDIJSKOG PROGRAMA (do 20%) NA VISOKOJ ŠKOLI**

Manje izmjene i dopune postojećeg studijskog programa odnose se na sadržajne promjene programa do 20% koje ne mijenjaju bitno studijski program, ishode učenja i kvalifikacije studenata (stručni profil); odnosno 80% od ukupnog broja ECTS bodova i ishoda učenja cjelokupnog programa neće biti promjenjeni.

**U manje izmjene programa spadaju:**

- promjena naziva studijskog programa bez promjene kvalifikacije, - promjena semestra u kojem se predmet izvodi,
- razdvajanje jednog dvosemestralnog u dva jednosemestralna predmeta, - spajanje dva jednosemestralna u jedan dvosemestralni predmet (uz valjano obrazloženje budući da dvosemestralni predmeti predstavljaju prepreku mobilnosti studenta),
- preraspodjela ECTS bodova (opterećenje studenata različitim vrstama obaveza) unutar ukupnog broja u okviru nekog predmeta,
- preraspodjela broja nastavnih časova za različite oblike nastave u okviru broja časova

predviđenih za predmet,

- promjene obaveza studenata i načina vrednovanja postignuća ishoda učenja,
- poboljšanje zapisa ishoda učenja pojedinih predmeta i ishoda učenja na nivou programa bez suštinskih izmjena u njihovom značenju.

**U manje izmjene i dopune studijskog programa koje znače sadržajne promjene programa do 20% cijelog studijskog programa spadaju:**

- uvođenje novih predmeta ili ukidanje postojećih,
- izmjene i dopune sadržaja pojedinih predmeta (kada se ne radi o osavremenjivanju predmeta),
- promjene broja ECTS-a, - promjena obaveznog predmeta u izborni i obrnuto,
- zamjena postojećih izbornih predmeta novim izbornim predmetima,
- te druge manje promjene sadržaja studijskog programa.

Redovno osavremenjivanje predmeta koje se odnose na poboljšanje nastavnih metoda, praćenje savremenije literature i uspjeha studenata te usklađivanje sadržaja sa savremenim spoznajama (izmjene i dopune do 10% postojećeg studijskog programa), ne smatraju se znatnijim promjenama studijskog programa već predstavljaju dio osiguranja kvalitete.

**Postupak izmjene i dopune (promjene do 20% studijskog programa)**

Interni postupak izmjene i dopune postojećeg studijskog programa promjene do 20% mogu pokrenuti nastavnici i saradnici na studijskom programu, Senat Visoke škole i studenti na datom studijskom programu putem zahtjeva za izmjenu i dopunu studijskog programa.

Prijedlog odluke i uredno popunjen prateći obrazac broj 2 se dostavljaju Senatu Visoke škole, te Senat Visoke škole donosi konačnu odluku.

Odluke koje se odnose na manje izmjene i dopune studijskoga programa za 1. godinu studija moraju biti donesene i objavljene prije raspisivanja konkursa za upis. Odluke koje se donose u toku akademske godine počinju se najranije primjenjivati u sljedećoj akademskoj godini.

Nakon donošenja odluke o manjim izmjenama i dopunama studijskog programa (do 20%) Dekan podnosi zahtjev nadležnom Ministarstvu i Agenciji za razvoj visokog obrazovanja i osiguranje kvaliteta Bosne i Hercegovine za omogućavanje unosa izmjena i dopuna studijskog programa u njihove registre i evidencije. Uz zahtjev se prilaže odluka Senata.

Zahtjev za izmjenom i dopunom istog studijskog programa podnosilac ima pravo ponovo podnijeti najranije u roku od godinu dana od dana donošenja odluke o formiranju novog studijskog programa ili odluke o izmjeni i dopuni studijskog programa.

### **DIO III – VEĆE IZMJENE I DOPUNE POSTOJEĆEG STUDIJSKOG PROGRAMA (veće od 20%, a manje od 40%) NA VISOKOJ ŠKOLI**

Veće izmjene i dopune studijskog programa (veće od 20%, a manje od 40%) odnose se na izmjene i dopune studijskih programa kojima se u znatnijoj mjeri mijenjaju obavezni predmeti, završni ishodi učenja studenata i njihove kvalifikacije.

Prilikom ovakve izmjene i dopune studijskog programa u ukupnom iznosu od 60% ECTS bodova cjelokupnog programa, ne smiju biti promijenjeni s obzirom na broj ECTS bodova, ishode učenja studijskog programa i kvalifikacije studenata.

#### **Postupak izmjene i dopune (promjene veće od 20%, a manje od 40%)**

Interni postupak izmjene i dopune postojećeg studijskog programa promjene do (veće od 20%, a manje od 40%) mogu pokrenuti nastavnici i saradnici na studijskom programu, Senat i studenti na datom studijskom programu.

Zahtjev za veće izmjene i dopune studijskog programa se upućuje Dekanu i Senatu. Na narednoj redovnoj Senata se raspravlja o opravdanosti ovog zahtjeva.

Ukoliko Senat smatra zahtjev opravdanim, formira se komisija za izmjene i dopune studijskog programa. U komisiji za izmjene i dopune studijskog programa obavezno trebaju biti predstavnik studenata sa studijskog programa, alumni predstavnik, predstavnik strukovnih firmi ili tržišta rada, predstavnici akademskog osoblja i menadžmenta Visoke škole. U svom radu komisija za izmjene i dopune studijskog programa obavezno popunjava obrasce koji se nalaze u prilogu ove Procedure i čine njen sastavni dio (Obrazac 1 – Opis izmjena i dopuna studijskog programa i Obrazac 2 – Sadržajna analiza).

Odluke koje se odnose na veće izmjene i dopune studijskog programa za 1. godinu studija moraju biti donesene i objavljene prije raspisivanja Konkursa za upis. Odluke koje se donose tokom akademske godine počinju se primjenjivati najranije u narednoj akademskoj godini.

Nakon donošenja konačne odluke o većim izmjenama i dopunama studijskog programa Dekan podnosi zahtjev nadležnom Ministarstvu i Agenciji za razvoj visokog obrazovanja i osiguranje kvaliteta za omogućavanje unosa izmjena i dopuna studijskog programa u njihove registre i evidencije, zajedno s priloženom dokumentacijom i Odlukom Senata.

Zahtjev za izmjenom i dopunom istog studijskog programa podnosilac ima pravo ponovo podnijeti najranije u roku od godinu dana od dana donošenja odluke o formiranju novog studijskog programa ili odluke o izmjeni i dopuni studijskog programa.

#### **DIO IV – SUŠTINSKE IZMJENE I DOPUNE POSTOJEĆEG STUDIJSKOG PROGRAMA (promjene veće od 40%) NA VISOKOJ ŠKOLI**

Suštinske izmjene i dopune studijskog programa (promjene veće od 40%) su one koje bitno mijenjaju studijski program, stoga se smatraju zahtjevom za usvajanje novog studijskog programa, te se primjenjuje Procedura za usvajanje novog studijskog programa na „Visokoj školi za turizam i menadžment Konjic“ u Konjicu.

Prilozi:

- Obrazac 1 – Opis izmjena i dopuna studijskih programa
- Obrazac 2 – Sadržajna analiza predloženih većih izmjena i dopuna postojećeg studijskog programa

Dekan  
*Šećibović*  
Doc.dr Marijana Šećibović  
Konjic  
Turizam i menadžment